

# BASES

El Centru Asturianu de Madrid convoca'l **VIII Concursu de Relatu Curtiu en Llingua Asturiana** que s'axustará a les bases siguientes:

**PRIMERA.-** Puen participar nél toles persones físiques, de cualesquiera edá, residencia o nacionalidá col númberu d'obres que-yos pete.

**SEGUNDA.-** Premiárase aquella obra ensin publicar qu'á xuiciu del xuráu presente más valir lliterariu. El premiu sedrá únicu, pudiendo quedar ermu.

**TERCERA.-** Les obres tarán redactaes dafechu en llingua asturiana, respetando les normes ortográfiques de la mesma; almitiránse les obres escrites na variante llingüística astur-galaica. La temática ye llibre, siendo'l so argumentu relacionáu con Asturias o la emigración asturiana. El llargor de los relatos tendrá un mínimu de 10 fueyes (DIN A-4 o foliu) mecanografíaes a doble espaciu per una sola llana y nun ha superar les 20.

**CUARTA.-** Los orixinales han a ser inéditos, non premiaos con anterioridá, nin suxetos a nengún compromisu editorial.

**QUINTA.-** El Premiu nomarásese **XOSÉ ÁLVAREZ**. Premiárase'l trabayu ganador con 1.500 euros y publicaráselu'l Conseyu de Comunidaes Asturianas. El xuráu podrá dar un accésit con diploma, ensin dotación económica que pue tamién publicase; l'accésit nomarásese **XOSÉ LEÓN DELESTAL**. Los derechos de los relatos premiaos pasarán a poder del Centru Asturianu de Madrid.

**SESTA.-** Los trabayos presentarásen escritos con máquina o ordenador, dirán ensin firma y amás del títulu llevarán un

nomatu qu'apaecerá tamién nel exterior d'un sobre axuntáu; nel interior del sobre tarán escritos el nome, apellíos, seños y teléfonu del autor de la obra presentada. Amestaránse xunto col sobre seis copies por cada trabayu presentáu.

**SÉTIMA.-** El plazu de presentación de trabayos terminará'l miécoles 30 de setiembre de 2009.

**OCTAVA.-** Les obres han mandase a les seños siguientes: Centru Asturianu de Madrid (c/. Farmacia nº 2, 28004-Madrid) indicando que ye pal CONCURSU DE RELATU CURTIU N'ASTURIANU - CENTRU ASTURIANU DE MADRID.

**NOVENA.-** El xuráu tará formáu por representantes de l'Academia de la Llingua Asturiana, de la Dirección Xeneral de Promoción Cultural y Política Llingüística de la Consejería de Cultura y Turismu del Principáu d'Asturies, del Conseyu de Comunidaes Asturianas y dos del Centru Asturianu de Madrid; como secretaria, con voz pero ensin votu, actuará la Secretaria Xeneral del Centru Asturianu de Madrid. El fallu del xuráu va ser irretrocable y darásese conocencia pública del mesmu nel Día de les Lletres Asturianas en Madrid que se celébrará'l xueves 29 d'ochobre de 2009, nel Salón d'Actos "Príncipe d'Asturies" del Centru Asturianu. Los trabayos non premiaos podrán retirase, polos sos autores o persones autorizaes, en conociendo'l fallu del xuráu hasta'l 13 de payares de 2009 nel mesmu llar del Centru Asturianu de Madrid.

**DÉCIMA.-** Presentase al concursu supón aceptar dafechu estes bases. Les cuestiones que se plantexen y que nun tuvieren establecíos nestes bases podrá resolveles el xuráu.